

## Вислаг олзлгъна тук зура

ВАРШАВА, декабри 6.  
(ТАСС). Вислан гидротехни-  
ческ збѳриг олзлад, эн голиг  
Польшин Олн-амтнӓ Республи-  
кин керме йовдг ѳргн хаалгъд  
хуврӓх ик зураг польшин кӱч-  
кѳлечнр, „Ик Вислан зура“  
гидж нерӓдцхӓнӓ.

Вислан ут-туршарт ик гидг  
тосхлтин кѳдлмш делгрӱлдж  
кегдлжӓнӓ.

Голин эклцд, энӱнӓс 60 ки-  
лометр, 32 квадратн кило-  
метр бӓӓр эзлх „Гочалковице“  
гидг усна боодгин негдгч дев-  
снӱгнӱ тосхгдв. Эн эргнд Висла  
деер утлан 3 километр, ѳндр-  
тӓн 17 метр плотин тосхгдсн  
бӓӓнӓ. „Гочалковице“ гидг боо-  
дг Верхнӱ Силезин балгӱсдиг  
болн промышленн предприятъ-  
сиг усар тетгхмн. Эн боодгин  
хойрдгч девснӱгнӱ тосхгдджа-  
на.

Висла деер тавн гидроэлект-  
ростанц тосхгдджана. Теднӓс  
негнӱ Краковин районд ода  
эклӓд кѳдлджӓнӓ. Краковск  
воеводствин предприятъст эн  
промышленн ток ѳгчӓнӓ. Эн  
тавн джилин сӱӱлӓр лакн гур-  
вн гидроэлектростанцинӱ кедж  
дуусхар темдглгдсн бӓӓнӓ.  
Вислан збѳриг олзлхар темд-  
глсн зурагъар болхла, эн гол  
деер гидроэнергетическ кесг  
тосхлтс темдглгдсн бӓӓнӓ.

Кесг ормсар голиг гӱӱдӱлӓд,  
кѳвӓгӱинӱ батлад, усн делв-  
врдж бичӓ гартха гигъӓд, шав-  
рар кѳвӓнӱ ѳндртхгдджӓнӓ. Ут-  
дан 100 километр ик канал  
Вислаг Бугла залгӱлдулхмн.  
Голин бахлур тал бас кесг  
тосхлтс кегдлжӓнӓ.

„Ик Вислан зура“ кӱцӓгдс-  
нӓ ашд, эн голар ут-туршар-  
тнӱ гилтӓ керме йовдг болхмн.